

ԿԸՆՈՆ

Վասն կարգապահութեան ի հանդիսի օծման Վեհ.
Հայրապետի ամենայն Հայոց Տ. Տ. ԳԵՈՐԳԱՅ Ե-րդի.
որ ունի կաթարել ի 1 Յուլիսի 1912.

Ընտրեալն ի Հայրապետութիւն՝ ի ժամ կատարման
հանդիսի Օծման՝ յետ ասելոյ «Զի ողորմած և մարդասէր
ես Աստուած ևայն», կանգնի ի կեղրոնի բեմին Աւագ
սեղանոյ Տաճարին և երդնու գերդումն «Գէորգ ծառայ
Յիսուսի Քրիստոսի ևայն... (ըստ Մաշտոցի երես 4),
և ապա անկանի ի ծունկս ի նոյն տեղւոյ, և երկոտասան
եպիսկոպոսունք նոյնպէս զգետաւորեալ՝ կայցեն շուրջա-
նակի Հայրապետին և սկսանի կարգն օծման:

Նախ Տ. Տ. Արիստակէս և Խորէն վարդապետք ասաս-
ցեն տուն առ տուն զՍաղմոսն ԶԼ. գլ. «Զողորմութիւնս
քո Տէր յաւիտեան օրհնեցից», մինչ ցայն տունն՝ որ ասէ.
«Հաստատեցից յաւիտեանս յաւիտենից զաթոռ Քո».

Յետ որոյ Տ. Աշոտ եպիսկոպոսն ասացէ «Աղաչեա-
ցուք զմարդասէրն Աստուած». (երես 4).

Տ. Սուքիաս արքեպիսկոպոսն ասացէ թիւ, «Աստուա-
ծային և երկնաւոր շնորհ». ևայն (երես 4).

Երկոտասան եպիսկոպոսունքն միանգամայն դնելով
զձեռս ի վերայ գլխոյ Հայրապետին՝ միասին ծանր, բառ
առ բառ ասացեն, «Մեք դնեմք զձեռս ի վերայ, ևայն»
(երես 4). (այս աղօթք պարտ է ասիլ անգիր):

Ապա Տ. Ներսէս արքեպիսկոպոսն ընթերցցի զաղօթս.
«Գոհանամք զքէն Աստուած մշտնջենաւոր» (երես 4).

Տ. Սահակ արքեպիսկոպոսն ընթերցցի զգիրսն ելիս.
«Խօսեցաւ Տէր ընդ Մովսիսի» (եր. 7).

Տ. Յովնաննէս արքեպիսկոպոսն ընթերցցի զգիրս Բ.
Թագաւորութեան «Եւ եկին ամենայն ծերքն իսրայէլի»
(երես 8).

Տ. Յուսիկ արքեպիսկոպոսն ընթերցցի զգիրսն Եգե-

կիւլի մարգարէի. «Եւ եղիցի ի մտանել քահանայից», (Երեւ 9).

Տ. Մխիթար եպիսկոպոս ընթերցցի զգիրսն Եսայի մարգարէի. «Բայց Դուք քահանայք Տեառն կոչեսջիք» (Երեւ 9).

Տ. Մեսրոպ եպիսկոպոսն ընթերցցի «Ի բաց թօթափել ախուհետե» (Երեւ 10).

Տ. Աշոտ եպիսկոպոսն ընթերցցի զաւետարանն Մատթէոսի. «Եւ եկեալ Յիսուս ի կողմանս Փիլիպպեայ» (Երեւ 10). և ասասցէ զՀաւատամքն.

Յետ այնորիկ Տ. Խորէն եպիսկոպոսն վերաբերեսցէ զս. խորհուրդն.

Եւ մինչ հասանեն յՈղջոյնն, ասասցեն եղանակաւ տուն առ տուն զքարոզն. «Աստուած մե՛ծ և սքանչելագործ զօրութիւն»:

Յետ ձայնաւոր քարոզից՝ Տ. Սուքիաս արքեպիսկոպոսն ընթերցցի զաղօթս «Տէր Աստուած արարիչ ամենայն արարածոց» և այլն (Երեւ 15).

Յոտ որոյ նոյն Տ. Սուքիաս արքեպիսկոպոսն առեալ ի սեղանոյն զԱղաւնին Միւռոնի և եկեալ առ Հայրապետն՝ որ ի ծունկս անկեալ իցէ, հեղցէ զս. Միւռոնն ի վերայ գազաթան Հայրապետին՝ ասելով բարձրաձայն՝ ձայնակցութեամբ ամենեցուն.

«Առաքելոյ Աղանւոյ» և այլն.

Երկրորդ անգամ հեղլով ասասցէ.

«Աննիւթական աղանի» և այլն.

Եւ երրորդ անգամ հեղլով ասասցէ.

«Օրհնութիւն ի բարձունս» և այլն.

Իսկ զպիրքն ի վերջ շարականիս ասասցեն ծանր ձայնիւ, «Ամէն ալելուիա, ալելուիա»:

Երկոտասան եպիսկոպոսունքն հեղեալ ի գազաթ Հայրապետի զմիւռոնն բոյթ մատամբ իւրեանց նկարեսցեն (խաչաձև) ի վերայ գազաթանն յիւրաքանչիւր կողմանց և ընդ նմին ամենեքեան միաբան ասասցեն ձայնիւ «օրհնեսցի, օծցի և սրբեսցի գազաթ Տ. ԳԵՈՐԳ ԿԱԹՈՂԻԿՈՍԻ» ևլն.

Յետ օծմանն եպիսկոպոսունք ծածկեացեն զՀայրապետական քնդն ի վերայ գլխոյ Հայրապետին, կապեն զԿոնքեոն զԻօտեաւ Հայրապետի յաջոյ կողմանէ և տան ի ձեռն զՀայրապետական գաւազանն:

Ի ժամ արկանելոյ զքողն դպիրքն երգեն զշարականն ԳԶ «Այսօր ուրախացեալ ցնծան երկնից բազմութիւնքն» և «Որք արժանաւորեցայք զայլ»...

Ապա Տ. Սարգիս եպիսկոպոսն ասացէ զսաղմոս. ԻԲ, «Տէր հովուեացէ զիս» և ընթերցցի զգլխն Պետրոսի առաքելոյն «Զերիցունս այսուհետեւ աղաչեմք» (Երես 20).

Տ. Անանիա արքեպիսկոպոսն ընթերցցի զաւետարանն Յօհաննու, «Եւ իբրեւ ճաշեցին» (Եր. 20).

Ապա սարկաւազունք երգեացեն զՈղջոյնն և եպիսկոպոսունքն համբուրելով զգազաթն Հայրապետին տան զողջոյնն ըստ կարգին:

Եւ այնուհետեւ Օծեալ Հայրապետն կատարէ զխորհուրդ ս. Պատարագին: Իսկ եպիսկոպոսունքն զգեստաւորեալ կացցեն յաջմէ և յահելէ սեղանոյն ցաւարտ պատարագին:

Ցաւարտ պատարագին դպիրքն երգեացեն «Որ զշնորհքս»... և թափօր կազմեալ բովանդակ ուխտիւ միաբանութեան և զգեստաւորեալ ըստ կարգին, տանին զշնորհագարդ ս. Հայրապետն ի վեհարան շարականօք, բուրվառօք, խաչօք և խաչվառօք և ի մտանելն Հայրապետին ի ծաղկեալ դահլիճն, դպիրքն երգեն զշարականն. ԳԶ. «Այսօր Քահանայապետ ճշմարիտ».

Սարկաւազն քարոզէ «Ս. Խաչիւս» և Հայրապետն ասէ. «Պահպանիչ». «Հայր մեր» և «Օրհնեալ եղերուք» և նստեալ յաթոռ ամենեքեան մատչին ի համբոյր ս. Աջոյ նորապսակ ս. Հայրապետին և ընկալեալ զՀայրապետական օրհնութիւնն, արձակին ի խաղաղութիւն:

Լուսարարեպէ՝ Ղեւոնդ եպիսկոպոս

28 Յունիսի 1912 թ.

ս. էջմիածին.